

- 一願大道流行普天懷德
- 二願一切有生咸皆悟道
- 三願九夜幽魂一時解脫
- 四願孤寡無依咸得受生
- 五願天下太平五穀豐熟
- 六願臣忠子孝君仁父慈
- 七願四海會同寬親和釋
- 八願潛胞處卵咸得生成
- 九願積疾新病旋即痊愈
- 十願孤露衆生豐衣足食

存神燒香

香官使者左右龍虎君侍香諸靈官當令臣落景陞壇行道之所自然生金液丹碧芝英百靈衆真交會在此香火爐前今臣學道得道求仙得仙齋主受福幽顯沾恩十方仙童玉女侍衛蘭烟傳臣向來所啓之誠速達徑御
太上无極大道至真玉皇上帝 御前
靈寶領教濟度金書卷之一百六十三

出堂頌

靈寶領教濟度金書卷之一百六十四
一百六十五
一百六十六
道八

洞微高士開光救苦真人審金真授
靈寶通玄弘教水南先生林雲真編
料儀立成品 預修黃錄用

第二日早朝儀

步虛 燒香頌
各禮師存念如法
衛靈

五星虛映 煥景神庭 包羅無外 合炁覆靈
潜形香默 周遊五經 揚威耀日 役使甲丁
却災除禍 滌穢消氛 萬魔恐怖 龍虎飛奔
紫雲交覆 萬炁齊昇 與道合真

鳴法鼓二十四通
發爐

无上三天玄元始三炁太上道君召出臣等身中三五功曹左右官使者侍香金童傳言散花玉女五帝直符直日香官各三十二人出出者嚴裝闡啓玄壇天帝神君當召此間土地里域真官正神急上闡啓臣今奉為入

齋意以今清旦陞壇行道願得
玉清道炁靈寶妙炁下降流入臣等身中即使玄壇清淨內外成真天無氛穢地絕秋塵琳琅振響十方肅清萬魔不干真誠上徹令臣所啓之誠速達徑御

請稱法位

大上无極大道至真玉皇上帝 御前
具位奉行預修黃籙大齋法事小兆臣某與臨壇官衆等謹同誠上啓
太上无極大道虛无自然元始天尊太上道君太上老君高上玉皇十方已得道大聖衆至真諸君丈人三十二天帝君王虛上帝玉帝大帝東華南極西靈北真玄都玉京金闕七寶瓊臺紫微上官靈寶至真明皇道君三十六部尊經玄中大法師上相上宰上保上傳太平下教二十四真人西城總真玉君太乙真人東嶽上卿司命茅君定錄保命二真人名山洞府得道神仙三界官屬一切真靈巨闡紫戶青房翼魏魏之帝闕黃庭絳室聯奕奕之神廬迴風氣混於雌雄旋斗精凝於

魂魄英元旁拱日騰三素之玄符藉前羅雲
藹五靈之妙昭鬱儀而紫霄駕景御結璘而
碧漢凌真金璫玉珮以飛翔玉檢金章而輝
煥靈飛六甲韶落七元虎符威制於六天鳳
炁神遊於八極道妙三真之品律嚴四極之

科倘悟靈開即躋聖域今齋主某圖穹賦質
方澤凝形踴瓊笈以遊神企琅函而皈命念
形形展轉百年梭擲於虛空慮生生循環萬
劫機張於造化有尸累之業徑通塗苦之昏
衢邈矣驚心懷哉援手三省營營而待旦九

思切切以崇朝仰黑鬱之尊神目瞻威力感
清微之上聖口發靈音有二符九戒以輝華
度二府九幽之暗惱生前佩奉身後道遙爰
請禱於龍宸肅懇祈於鴻臚齊心受度崇三
乘碧玉之壇潔已預修觀九奏紫金之座慈
雲覆蔭法雨羅敷騰翠積以寫心操丹毫而
露悃墨鑄履薄舉羽臨深今有青詞謹當宣
奏

宣詞

按如詞旨備切忱恂臣等練吉齋盟證神淪

垢蔚龍輝之玉荀瞻御座之金芝海鳳鳴晨
日馭浴紫霞之景天鷄喚曉羲輪騰絳彩之
華鶯蘭露於珠簾凝芝烟於翠蓋雲旂容與
傳宵衛鳴蹕之音霓仗蕙鞋簇禁路和鑿之
韻五老啓途而前駕羣仙翼乘以傍駭御氣

玄虛傾光丹陛不殫再三之清重摠萬一之
衷澤被古今恩覃幽顯
以今清旦行道請法衆等運茲初捨上香
願此香烟騰空徑上供養

无上至真道寶巨等皈身皈神皈命首體投
地仰依
太上三尊願以是功德上祝
皇帝陛下伏願帝錫龜圖神開鳳曆浮天浴
日齊浩渺之福源掃漢凌霄等魏表之壽祉
聲教風飛於四極車書日闡於八紘社稷先
靈汎龍輶而遊帝闕潘垣宗輔鶴麟趾而翼
王畿今故燒香自皈依
師尊大聖衆至真之德得道之後保天長存
和與道合真

以今清旦行道請法衆等運茲二捨上香

願此香烟騰空徑上供養
无上至真經寶巨等皈身皈神皈命首體投
地仰依
太上三尊願以是功德皈流齋主某伏願仰
雲朝藹湛露宵凝院宇無塵抱蓬丘之瑞色
門闌多喜迎瀛舞之祥光彬彬靈鳳之九苞
整鬢神駒之千里高玄凌景升神遊太素之
庭眷序凝華接武迓始青之炁今故燒香自
皈依

師尊大聖衆至真之德得道之後升入無形
和與道合真
以今清旦行道請法衆等運茲三捨上香
願此香烟騰空徑上供養

无上至真師寶巨等皈身皈神皈命首體投
地仰依
太上三尊願以是功德皈流巨等師友同學
道俗周親並願道紀彌綸玄機了悟餐霞獨
嘯寸田融秋月之輝御景同流尺宅潤春風
之粹均證无為之妙同超有漏之因已往形
魂朝玉京而問道見存眷屬游金谷以凝華

魂朝玉京而問道見存眷屬游金谷以凝華

今故燒香自皈依
師尊大聖眾至真之德得道之後升入無形
和與道合具

禮方 懺方
三啓

樂法以為妻 愛經如珠玉 持戒制六情
念道遺所欲 淡泊正氣停 蕭然神靜默
天魔並敬護 世世享大福

鬱鬱家國盛 濟濟經道興 天人同其願
縹緲入大乘 因心立福田 靡靡法輪外

七祖生天堂 我身白日騰

又
大道洞玄虛 有念無不契 鍊質入仙真
遂成金剛體 超度三界難 地獄五苦解

悉歸太上經 靜念稽首禮
三禮

臣等志心稽首禮
太上無極大道
臣等志心稽首禮

三十六部尊經

臣等志心稽首禮

玄中大法師

重稱法位

具位臣等謹重誠上啓

太上無極大道元始天尊太上道君太上老
君元上玄老十方已得道大聖眾至真諸君
丈人三十六部尊經玄中大法師天師君上
相上宰四司五帝三界官屬一切真靈臣等
螻蟻微生蜉蝣塵影藉千生之慶運際一旦
之昌期九霄琅書幸佩希夷微之妙炁三華
瓊笈久窺玄元始之神輝莫賓冲鶴於冬筠
乃玩織鳥於春草負山凜凜懼貽大赤之金
科涉水兢兢慮踐女青之玉律感海涵於帝
澤但日贊於皇靈頌救度人敢忘初志立功
濟物盡罄前盟今齋主某激越分陰勤拳寸
抱念形神旅寓目前幸慶於受中而生滅輪
周身後更期於語上猶慮業山烟障塵海波
翻鹿逐朝昏植惡根於順境猿騰歲月狀善
種於長途捨心田而弗耘瀾愛河而弗返名

難利鑽紛紛跋扈其後先欲糾情羈歷歷顛
寘其左右內虧忠信外肆謙恭罔知修身以
齊家惟有責人而恕己積茲陰咎釀彼陽愆
或七祖九玄神尚淪於暗域或三生四負寬
未釋於幽關致塚訟之勾連與仇讎之執對

三元籍錄五帝簡書倘未滌於前愆曷克繳
於後慶天開地闢願頒鶴赦以羅敷日居月
諸莫儼洪釐而流演即銷名於黑鬱為移字
於青編考注冰清究憎風靡慶襟期而冲逸
融步武於高華道炁百千萬重有嚴有翼歲
功七十二候無患無災凝霞臉以流丹潤雲
鬢而養素染榆暮景安閑永耀於德呈松栢
歲寒遊宴常賓於慶日福延今世慶嚴他生
與道周流不涉神鄉之迹隨劫輪轉常遊聖
域之居丹禱載馳洪慈筆鑿上願洞輔興行
玄真宣暢五靈輝煥三極澄清鳴神鳳於梧
枝巢靈龜於蓮葉醴泉流彩甘露凝華朝多
忠貞之良野無賢材之逸九幽昭泰五苦脩
間則上明
天尊大慈之化下副臣等皈命之誠謹啓以

聞

發願
存神復爐

香官使者左右龍虎君侍香諸靈官當令臣
清旦陞壇行道之所自然生金液丹碧芝英
百靈衆真交會在此香火爐前令臣學道得
道求仙得仙齋主受福幽顯沾恩十方仙童
玉女侍衛蘭烟傳臣向來所啓之誠速達徑
御
太上元極大道至真玉皇上帝 御前

出堂頌

靈寶領教濟度金書卷之一百六十四

靈寶領教濟度金書卷之一百六十五

洞微高士開光救苦真人龔金真授
靈寶通玄弘教水南先生林靈真編

科儀立成品 預修黃錄

第二日午朝儀

各禮師存念如法

衛靈

黃中策炁斬滅妖宗 還絕邪源 制斷魔蹤
太上符命 召制神功 萬靈斯格 却禍除兇
玉炁三輪 洞運真風 紫戶含瓊 大度無終
左命青腰 右攝芝童 道遙風景 總御九空
玄壇應機 乘炁虛沖 萬真普降 濟度無窮
和與道合真

鳴法鼓二十四遍

无上三天玄元始三炁太上道君召出巨身
中三五功曹左右官使者侍香金童傳言玉
女五帝直符直日香官各三十二人出出者
嚴裝開啓玄壇天帝神君當召此間土地里
域真官正神急上開啓臣奉爲入齋意以
今午朝陞壇行道願得

玉清道炁靈寶妙光下降流入臣等身中即
使玄壇清淨內外成真天無氛穢地絕妖塵
琳琅振響十方肅清萬魔不干真誠上徹令
臣所啓速達徑御
太上元極大道至真玉皇上帝 御前

請稱法位

具位奉行預修黃錄大齋法事小兆臣某與
臨壇官衆等謹同誠上啓
太上元極大道虛元自然元始天尊太上道
君太上老君高上玉皇十方已得道大聖衆
至真諸君丈人三十二天上帝玉虛上帝玉
帝大帝東華南極西靈北真玄都玉京金闕
七寶瓊臺紫微上官靈寶至真明皇道君三
十六部尊經玄中大法師上相上宰上保上
傳太平下教二十四真人西城總真王君太
乙真人東嶽上卿司命茅君定錄保命二真
人名山洞府得道神仙三界官屬一切真靈
臣聞碧落空歌萬聖流精於黎土紫虛鬱秀
五神混粹於華房回靈彰十轉之奇制運煥
八威之妙七經駕景朝祖炁於玄關八緯凝